

四庫全書

集部

欽定四庫全書

穀城山館集卷十二

明于慎行撰

七言律詩

送張洪陽年兄上南少司成二首

西清法從沐恩偏日日論思捧御筵
豈謂廷中摧五鹿復教門下紀三鱣
離聲薊苑河橋雨別夢秦淮月夜烟
十載同遊詞賦客只今結綬是君先

離合相看一愴神。百年寵辱夢中身。無將建業秋江水。
不及長安綺陌塵。天畔文星珠斗近。座中時雨絳帷春。
應知煖席無多暇。又奉徵書入紫宸。

送孫栢潭太史冊封唐藩便道省覲

射策名高賈洛陽。青春擁傅有輝光。花迎玉節槎凌漢。
葉剪桐珪土。胙唐客路千門江上月。主恩三殿署中香。
非關畫錦偏生色。自是庭幃寵渥長。

送盛鳳岡太史冊封蜀藩

寶玉親頒示展親還因諭蜀論過秦雲凝閣道青天險
家近關門紫氣真玉節遙分三署色金羈行耀五陵春
懸知萬里橋邊路共指軒車問使臣

題韓敬堂殿講牡丹石榴畫卷時值雙壽稱觴
並呈此瑞

仙種何年福地裁巧分春色艷亭臺丹房並倚珠林結
繡萼雙依翠惺惺開味勝絳桃金母醉花先紅藥侍臣迴
合歡正值稱觴日滿目天香拂酒杯

送沈少陵太史請告

鶯燕晴嬌禁苑春冥鴻何意出風塵到來天地傷多事
歸去江湖尚有人射策彤庭干氣象上書黃閣想風神
敬亭秋色堪高枕不負蕭條報主身

同可大城西寺樓眺望

石林香岫鎖氤氳百尺危闌倚落曛雙闕湖光涵鏡彩
九陵雲氣吐龍文烟銷野色愁中見風起邊聲醉裏聞
諧俗不妨聊對酒從他塵世自紛紛

觀慈壽寺新造浮圖

鳳刹新從佛土標芙蓉千尺翠嵒堯璇題玉梵中天起
法雨曇雲下界飄勢挾珠林雄禁苑影分銀漢掛烟霄
羣生福果緣慈祐輦盡黃金此地銷

夏日登毘盧閣

寶界高懸百尺樓丹梯半上不能休牕臨星斗諸天近
壁繞烟霞五月秋迢遞羣山橫大漠蒼茫一氣辨皇州
憑闌欲起悲歌色人代何緣此勝遊

夏日崔明經正思五弟同遊韋園

韋曲城南曉霧開炎天深樹鎖亭臺漁舟隱見花間出
鷗鳥浮沈杖底來香散芰荷殘過雨烟飛蘿薜冷銜杯
帝城風物家鄉侶醉倚青林首重迴

送朱翬峰鴻臚之金陵

二十年來憶舊歡相逢斗酒醉長安尊前華髮流光易
陌上驪歌別路難江月遙分鵝鵠觀宮雲不散駿騕冠
到來綿蕞開王會劎佩聲中擁漢官

秋懷四首

露下天空木葉流滿懷蕭瑟一登樓江湖鴈影催鄉夢
城闕砧聲起暮愁萬里風塵燕塞遠千門雲月漢宮秋
紅顏華髮悲生事金爵銅駝感壯遊

極目高空一鴈翔十年萍跡滯天方芙蓉曉露愁邊白
薜荔秋山夢裏蒼病似相如聊著賦鬢如潘岳尚為郎
凭闌此際渾無賴日晚寒生畫角霜

風入疎林月半橫秋聲一夜壯心驚柴桑故自饒歸興

中散由來少宦情名利百年身易老文章千古事難成
恩深未報慙明主苦憶深山桂樹生

舊隱林皋幾放歌蓬玄西洞長烟蘿清溪日落魚梁出
翠嶂天長鳥道過醉裏白雲揮袖滿秋來明月倚闌多
不辭便作風塵客鶴怨猿驚可奈何

秋日答李本寧太史秦中四首

西風蕭索五城秋望斷秦關感舊遊一自宮磚虛日影
至今仙署想風流鴻歸上苑書重到月落楓林夢亦愁

聞道龍門連太華何人得並李膺舟

斗畔何年少歲星
寧帷聊復試傳經
關門氣自車邊紫
太乙藜從閣上青
忽見雙魚傳札素
疑聞三鱸落階庭
不知玉女峰頭座可許
生徒隔帳聽

憭慄霜天萬木聲
愁看落葉太縱橫
青山已自盈秋色
白眼從來冷世情
經術但傳秦博士
疎狂莫笑魯儒生
加餐鄭重勞相念
祇有庭蘭夢未成

千里離愁鬱不開
故人佳句傍誰裁
秦臺鳳女簫三弄

漢苑仙人露一杯歲月吾甘梅尉隱乾坤爾自賈生才
春來若有書相問尺素應知海上迴

秋日書懷奉寄二兄

避世年來華髮侵秋情旅思兩蕭森虛談仗馬當時事
實負冥鴻萬里心客裏常思陶令酒愁邊幾作越人吟
天涯兄弟長相憶明日青山是舊林

答鄖汝翼見寄

積雨挑燈思不禁閑緘忽見楚人吟芙蓉自抱三秋色

鴻鵠誰知萬里心別憶青尊江樹杳夢回明月海雲深
無勞漢署懷方朔金馬于今總陸沈

奉旨代撰恭祝聖母萬壽二首

寶祚恭膺幸有年為承慈訓化機旋東朝共祝增仙算
大內親趨捧壽筵律轉一陽熙舜旦石將五色補堯天
母儀仰見超前古圖史應令萬祺傳

璇霄南極現祥光入仗親稱萬歲觴寶座三重開內殿
法音九部舉東廂華嵩效祝春難老袞繡承歡日始長

願酌滄溟添壽紀年年流慶衍天潢

秋日有懷伯仲兩兄

一鴈橫空玉塞寒疎星淡月倚樓看鄉山有夢秋先到
京洛無心興已闌多病長鄉聊罷酒長貧仲子未彈冠
鵠原別恨年年劇無那浮踪去住難

冬至南郊扈從紀述和陳玉璽太史韻八首

聖后乘乾奉帝禋日躔南陸協靈辰九關肅啓天門鑰
萬姓歡隨御輦塵樓雪初融丹禁曉葭灰微動玉衡春

虛慚珥筆親文物實有廿泉賦未陳

平明闔闔五門開法駕驂驂匝地來雷動千乘天庭選
飈馳七校羽林材金支翠蓋雲中轉紫旆紅幢樹杪迴
清蹕尚喧雙鳳闕前驅已戾九成臺

陽靈仙館翠雲端竹殿清齋禮泰壇閣道寬旌陳虎豹
宮門羽仗簇鴛鸞親軍競帶千金劒御馬齊籠七寶鞍
總為天光依較近溫泉午夜不知寒

玉蘭東畔畫簾前到處常隨豹尾旋聖代儀文今日盛

儒臣雨露向來偏琅函賜錦馳中騎寶鼎分餐出御筵
齋室受釐應有問朝回猶恐夜深宣

絳闕陰沈啓秘扃鑾輿肅穆欵真庭霜凝碧落天衣濕
月上仙壇玉樹青帝座三重開萬象雲門六變走羣靈
祠臣秉笏香烟裏時向珠纏望景星

絳節氤氳上太清紫烟縹渺冠層城鶴行不動瑤池影
鳳幄微聞玉藻聲律應一陽璇象轉福凝五位泰階平
禮成回蹕傳行漏百尺華燈闕下明

燈火薰天夾路旁屬車旋處翠華張非烟擁蓋璇霄麗
若月乘輪御陌長十里香花連泰畤千門鼓吹徹昭陽
皇誠已自通天貺萬祀應知寶祚昌

紫氣葱葱繞禁廬南郊迎日復長初皇王禮樂光前殿
侍從聲華滿後車漢畤龍麟金匱紀周臺雲物彩毫書
雄文亦是鄉人似齊客談天恐不如

題李棠軒太史風木卷

水部才名世所傳平生舊事付新鐫青箱累葉承先慶

玉署重輝啓嗣賢天上樓成曾有夢人間鶴去不知年
只今隴草悲仙吏歲歲春風泣杜鵑

葛端肅公輓章四首

朱輪幾日下明光一夜台星遽掩芒名德累朝者舊盡
風流前輩典刑長百年海嶽收靈氣三省官僚紀奏章
莫訝臺烏來去少荒原終日咽長楊

五十年來社稷身世皇時已畫麒麟車行陝潞千家雨
戰擁幽并萬里春北極星辰三聽履東山烟月幾垂綸

九重此日宮懸徹鼓吹黃腸寵使臣

華年聲價省郎遊一節冰霜到白頭降獄神生星應昴
濟川功就壑藏舟朱門舊第公槐影落葉新阡宰樹秋
惟有故時雙鶴在月寒華表不勝愁

里閭衣冠舊侍公每從便坐接春風臺端劒履容猶在
海上桑田事已空畫閣勲名應自遠蘧廬夢覺總難窮
不堪片語牛山望千古英雄涕淚中

雪中臥病楊廬山至京枉過

春城雨雪臥袁安仙令朝天駐錦鞍萬里風塵隨聚散
百年湖海見交歡翻疑夢杳羅浮月好在香分畫省蘭
伏枕燒燈渾未厭坐來鳩鵲夜光寒

送楊廬山之官鹽城

宮草含青雪未消送君斗酒夜迢迢愁邊曉月雙鳬遠
醉裏晴雲五鳳嬌澤國魚鹽多負海春城烟雨半通潮
只今滿目看崔葦豈藉催科荅聖朝

病中朱廷平可大攜談易王生見過書懷

宣室情知久荷恩旅愁無奈泥芳蓀十年玉署塵心冷
一片青山素業存病裏風雲天北闕春來花樹魯東門
欲知朝市浮沈理季主長安好共論

病中乞歸懷寄中立王孫

銀牋仙宮桂滿巖何時雪夜掛孤帆枕中鴻寶新來註
海上魚書舊日緘千里歸心看短劒百年病骨付長鎗
王孫苑路今應近芳草春風點碧衫

都門留別諸丈

不緣多病壯心消，敢向清時遠市朝。
三殿恩華淹日月，十年歸夢落漁樵。
宮雲欲散飄衫袖，別酒初醒見柳條。
最是河梁分手地，桃花潭水碧迢迢。

潞河寄都下舊遊

承恩霄漢苦思歸，祇憶深山長蕨薇。
去漢梁鴻藏姓字，還邛司馬借恩輝。
身輕已覺愁顏改，戰勝應看病骨肥。
回首金闕多舊好，別時情思各依依。

嘉靖壬戌從三兄無擇下第同歸有過桃花口

詩至萬歷己卯請告南還復過此地詠兄舊
句悵然有感用韻追和

廿載津亭唱櫂過依然烟柳夾長河花源尚記來時路
鴻影空憐舊日歌人代三朝看過隙生涯萬事付流波
雙棠舊館應無恙獨撫遺編思若何

除夕呈二兄

鄉閭風土弟兄居冉冉年光歲又除勝裏金花聊共賞
尊中柏葉肯教虛居隣碧海三山路交絕長安七貴書

猶有謝家辭翰在春山遊眺許誰如

庚辰元旦試筆

蕭鼓初闢旭日開小庭春色欲重來靈符舊篋金闔賜
寶勝新粧玉剪裁歡洽兒童隨笑語恩深禁闈憶趨陪
誰將栢葉調仙酒為薦君王萬壽杯

寄懷朱廷平可大兼訊于澤州子冲入覲

歸來無日不思君畫省風流久未聞上苑鴻聲愁處聽
長亭春草醉時分雙龍自合天邊氣五馬遙停塞上雲

莫問同時舊年少已從樵牧隔人羣

寄賈石葵廷尉

百年踪跡總飄萍懶向風塵問醉醒臥病梅花江上白
懷人芳草夢中青天懸臺館占御月地入江湖隱客星
聞道乞歸歸未得主恩不負草堂靈

春日山中有懷趙濱陽年丈時官南越

不關寂寞重相思心折長安握手時萬里銅標人落魄
十年金馬事參差眼青楊柳東風日頭白梅花北向枝

惟有魯狂客聖世五湖烟水足恩私

山中書懷答朱可大廷平二首

海水天風莫重論吾曹交誼向來敦馮驩長鋏應猶在
范叔綿袍故自溫千里人歸孟諸野十年客散信陵門
閒心已絕諸緣累獨有平生未報恩

天末懷人思不降夢回明月滿軒牕平生諾重黃金百
國士名齊白璧雙君自風塵淹畫省吾甘漁獵老滄江
書來正值山間醉赤脚吹笙臥石淙

上外祖母麻王二太夫人七十偕壽二首

元公宰木閣居諸二母仙闡鶴髮餘盃裏尚藏金殿草
座中時展玉函書幾看萊服連鳩杖時過潘園並板輿
勝節稱觴應具醉春江昨夜罩雙魚

堂上春深並錦袍中丞甲第五雲高麻姑自閑桑成海
王母親栽樹作桃舊德共看麟閣畫餘光殊有鳳池毛
恩深自出無由寫頌壽應慙乏彩毫

香山寺閣同朱令君賦

守在邑城北河上

海嶽秋光幾處看珠林高閣此憑闌河流曲抱孤城遠
山色低邈落日寒野思蕭條聊對酒愁心跌宕罷彈冠
仙遊幸躡王喬履夜月雙鳬去不難

曲阜謁顏廟

素王宮闕魯侯臺究國崇祠此並開位冠元公師友會
道同皇佐古今才虛亭玉甃疏眢井舊菴璇題鎖繡苔
門外依稀餘輦路前朝曾覩翠華來

鄒縣謁孟廟

邾城舊里記三遷廟貌弘開大道邊行地江河疏聖派
談天輿衍閒言筌洙流近映金鋪日嶧嶂高含畫棟烟
北望孔門元咫尺明禋終古侍雕筵

趙莊泉流觴

處處名泉盡客歡一泓復向道旁觀林衣倒拂仙杯動
石髮晴分寶鏡寒要眇琴聲流水和疎狂酒態野人看
他時漫擬蘭亭勝不似滄洲有釣竿

杜曲泉贈杜長君太學

十日臨流幾醉醒又從杜曲俯清冷參天翠樹全成幄
夾路芳泉半似星水色平侵春草綠山光遙映暮雲青
狂遊無奈逢豪客倒盡君家碧玉餅

遊嶧山還過魯城西郭有懷中立王孫

二十年來感舊遊綠雲遙見隔城樓逢人恐識關門氣
訪客真成雪夜舟魯國山川空自賦梁園松桂為誰秋
何時却有論文地尊酒同銷萬斛愁

田鍾台殿讀初春詣闕是秋即請告南旋寄此

戲問

春深裁報謁彤扉為底逢秋又拂衣舊隱青山何處問
同遊詞客幾人歸囊中大藥還多少天上浮雲可是非
萬里搏風應有待且隨陽鴈往來飛

周亭山先生舉明經入對

名家魯國舊登壇初捧賢書解鵠冠貢篚璆琳天府受
闔門羔鴈里人看燈分夜色青藜迴筆擁春雲紫殿寒
儒術年來多所遇明經半補漢郎官

同朱可大廷平登岱八首

終古名山奠大東遙瞻雲漢倚穹崇千峰明滅天高下
萬壑晴陰氣鬱葱星土盤回元化轉仙閣繚繞百神通
真遊五嶽何當徧首躡烟蘿上碧空

玉闕朱樓萬仞端六龍輦道倚巒屹懸厓翠磴雲中轉
壘嶂紅泉樹杪看海色曨曨三觀曉秋聲蕭瑟五松寒
天門咫尺君應見比似人間路更難

忽出塵寰賦壯遊試從九點辨神州浮雲直上千峰色

落日長懸萬里秋紫塞東臨滄海斷黃河北遶大荒流
秦封漢禪成丘土留與人間不盡愁

倚杖高臨萬玉峰氤氳陸海散芙蓉寒聲半落天中雨
暝色低催澗底鐘金檢誰探秦帝策白雲猶起漢時封
君看十二侯王地能出神宮第幾重

絕頂秋高上帝宮茫茫一氣俯寰中地盤河濟三州盡
天入秦吳萬里空玉闕光連星斗上丹峰影落海門東
亦知真宰多相藉許倚烟霄兩効雄

萬仞瑤壇冷夕曛，斗邊三十六天分。
仙人洞府懸雙闕，玉女神房切五雲。
遊客自成梁父嘆，詞臣不草茂陵文。
東皇舊握羣生紀，海國河山翊聖君。

高丘東望氣雄哉，海色遙看萬里開。
三島春波涵日月，五城仙氣吐樓臺。
酒邊影吸金銀動，杖底雲飛紫翠來。
烟水茫茫徐福去，至今不見報書迴。

上宮夜色冷漫漫，月轉層霄十二欄。
大地河山銀作海，中天樓閣玉為壇。
虛無靈境簫聲斷，縹緲秋光練影寒。

仙掌芙蓉看欲近轉從北斗識長安

遊靈巖絕頂却望泰山玉皇觀

珠林丹嶂倚秋曛絕頂開尊俯鴈羣萬木寒飛金地雨
五峰晴幻紫霄雲上方臺殿尊前湧大國河山鳥外分
回首天門歸指顧玉皇曾授赤靈文

玉函山眺望

即千
佛山

岱宗直北玉函開海客乘春躡屩來絕壁松杉含寶相
中峰雲氣出香臺湖邊萬井烟光動城上雙河練影迴

青鳥不歸丹鷺遠仙踪佛地兩徘徊

望雲翠山絕頂

乾坤靈跡自何年縹渺孤標斗際騫矗立千尋疑掛日
削成一柱欲承天蓀房近傍瑤壇路烏道晴飛玉洞烟
岱嶽西來如萬馬千峰雲氣總相連

望鼈山

美盡東南第一峰神工削出玉芙蓉天門閣道金銀晃
王母瑤臺紫翠封雷雨千巖聲自起龍蛇萬壑勢相從

探奇忽動憑虛想安得仙人九節筇

山北有
王母臺

答客書勸還闕

三年孤枕臥人間秋色嵯峨滿碧山梅福不緣逃世隱
揚雲聊得著書閒情知相府常開閣可奈書生自閉關
珍重故人相問訊已甘蘿薜老紅顏

贈侯甥允吉秀才

吾家宅相貴鍾君名列諸生氣不羣彩鷺摩空千仞羽
神駒鑠電五花文中丞舊護漁陽甲上將新營細柳軍

兩世箕裘須爾繼好將雙管躡青雲

山中述懷寄石葵賈丈

秋山明月鴈來聲魯國相看自兩生聖世安危應有寄
詞臣去就豈關名跡隨猿鶴心能化夢入鶴鷺骨尚驚
辜負桓譚知已在玄經寂寞幾時成

壽高三塘徵君六十徵君邑丞兄也揚子人

江上名家舊業傳蘭塘一艇狎風烟楚山桂樹留真隱
秦洞桃花閣大年賦就秋濤淮海月夢餘春草汶陽天

更逢寶筭重開日綺席霞觴接羽仙

代壽高三塘徵君

璇極星華燭絳霄人間仙算紀松喬丹臺日映黃金蕊
海屋春凝碧玉簫樓闕三山瓊島月池塘一派廣陵潮
藍田吏隱多鄉夢桂樹淮南未可招

濟上對玉函山送子冲北上

萬事悲歡可具陳十年五醉濟城春居然華髮生明鏡
無恙青山對故人老去交情堪自見狂來酒態轉相親

路傍莫訝雙龍劒雌伏雄飛各有神

山中秋日報朱金庭宮庶

空山寥廓鴈聲寒忽啓緘書出上蘭臥病秋風閒自賦
懷人明月遠相看生涯湖海雙蓬鬢身事乾坤一釣竿
聞道橫經承內渥還從折角笑彈冠

山中秋日代書寄王對南宮庶

丹楓蕭瑟倚重樓回首金闈憶舊遊片月常懸蓬島夢
尺書幾隔鴈門秋新傳謔笑還多少舊和歌聲可記不

亦有行踪君莫問三年漁獵海西頭

寄羅康洲宮諭

臥病山中華髮侵秋江松桂稍成林主恩幸自容蕭散客難誰應學陸沈千里星河天上夜百年萍梗別來心儒臣畫閣今應近三殿卿雲歲月深

寄韓敬堂殿講

秋山別思眇愁予天杪同心久索居雙闕星辰分劖佩萬峰烟雨狎樵漁舊遊數對平原酒遠地難逢上苑書

欲問談詩韓太傅門牆多士盛何如

寄沈蛟門宮諭

銅龍闕角舊時分
屈指風雲已到君
天隔鶴鶩應有夢
人隨猿鶴自為羣
斗間劍氣寒相映
江上書函杳未聞
別後才情渾欲減
惟添瘦影似休文

寄黃儀庭宮允

班荆闕里笑相看
寶馬金羈識漢官
別去梅花江上老
秋來明月夢中寒
詞臣寂寞猶鶯列
隱客疎狂自鷗冠

傳道橋門懸絳帳五更經術首登壇

冬日徐檢菴殿讀北上過訪

契闊人間未易論勞君越陌枉相存尺書久絕南天鴈
斗酒猶銷別日魂欲笑子年懷魏闕曾隨方朔隱吳門
鸞扉舊侶應垂問竊吹青山是主恩

扈從春際上陵四首

諸陵王氣接神京法駕春禋出禁城萬戶鶯歌迎鳳管
九衢花雨拂霓旌連山地入長楊苑夾道兵陳細柳營

負橐趨陪知最寵屬車徐動扈天行

隔夜鑾車駐翠微平明魚鑰啟彤扉宮前七校傳刁斗
馬上千官著賜衣地轉鈞陳成象緯山開雲物寫恩輝
春遊遠薄橫汾曲祖德宗功信不違

雲間神闕九關開樹杪仙輿萬乘來霧雨蕭蕭陰輦路
松楸鬱鬱鎖城臺縱金大樂空山應裸玉崇儀列辟陪
聞道龍衣親負土漢家原廟不勝哀

六龍迴駁苑西天湖上春陰敞御筵山繞離宮金作嶂

水依行漏玉為泉驛
駢滿路花香裏燈火薰霄樹影邊
百里昆明連太液
鐃歌九部引龍船

送秦舜峰中丞出鎮南贛

詞林早日侍甘泉
幕府勲名起少年
大國提封連瘴海
中丞使節護樓船
秋聲夜渡三江雨
兵氣晴銷百越烟
此別不須頻佇想
油幢幾日欲朝天

報李本寧太史書兼訊東遊

沅芷澧蘭別思虛
江湘何地擁離居
秋風不下孤黃鵠

明月空傳雙鯉魚華髮交遊應更少清時才雋好誰如
懸知太史東遊後玉簡重編禹穴書

贈長安四李生

李生中貴從子皆及予門三為博士弟子其一武生

文武翩翩總俊髦長安閨閣信多豪春城起第新行馬
內殿承恩舊賜袍已見三雍收異等還聞七校試雄韜
金門貴近應無數不似名家有鳳毛

九日有懷可大

秋水茫茫入望賒美人何處賦蒹葭霜前又度三秋鴈

客裏重看九日花
南國音書淹歲月
東籬節序付烟霞
登高那復多愁思
白露朝來染鬢華

題蓮花菴水亭

西湖流入北城陰
小築祇園切禁林
閣上旃檀風細細
水邊雲樹影沈沈
天花曉落千門雨
仙梵寒飄萬井砧
咫尺青蓮成淨土
將因不染印禪心

穀城山館集卷十二

欽定四庫全書

穀城山館集卷十三

明于慎行撰

七言律詩

春初得吳太原道中書有懷

草色春城嘆索居虛窓殘月渺愁予忽從五馬邊淮路
傳得雙魚隔歲書汾水東流連朔塞關門北望是穹廬
晉陽亦是談兵地莫使平時保障踈

送董巢雄比部左遷上谷衛幕

匡時獨抱杞人憂諫獵書成更遠遊逐客夢隨青海月
仙曹香散白雲秋惠文列署閒霜簡神武新軍卸錦韁
報國猶餘長劍在不須常撫大刀頭

寄送邢侍御子愿晉參楚藩

芳草春前綰別愁除函又下殿東頭書回閭闔千門月
人上芙蓉萬里舟望斷浮雲燕市遠歌殘白雪楚天秋
依然法從偏承寵三十參藩是壯遊

平則城樓登眺

峩嵬飛閣冠層城
暇日登臨景物明
萬戶鶯花春上苑
九衢車馬漢西京
烟開宮柳重重出
雨靜峰霞片片生
總是皇州多麗景
五陵芳草殢遊情

寄上外舅泰翁生辰

紅顏閱世儼如仙
絳縣將盈亥首年
三島常浮滄海上
一峰突起岱宗前
同時父老遊誰健
舊社桑麻樂自偏
聞道華辰新酒熟
杯中太乙是青蓮

蓮花菴潭上夕飲

禪宮遙倚北樓開
樓下平湖落照來
金水環城全象漢
蓮花湧寺宛成臺
諸香各捧空王座
一葉能浮太乙杯
便是忘歸歸亦醉
夕陽清角莫相催

北闌

西城別苑勝瀛洲
十里平湖靜不流
岸草離迷橋畔雨
宮槐隱映水邊樓
聲傳簫管三天近
香散芙蓉六月秋
信道吾皇簡遊幸
石鯨飛處鎖龍舟

送姊倩侯將軍僉書留京樞府二首

長安別路起征銳笑攬金杯視佩刀舊國風雲開節鍼
故園花柳過旌旄居臨六代青山近望入千門紫氣高
聞道江南多俠少將軍一爲試龍韜

上將璇樞切禁林登壇自識主恩深雲連城闕江聲壯
節擁樓船海氣陰宦轍百年萍梗路離筵千里弟兄心
廟堂正復思頗牧豈有雄才可陸沉

九日留都瀛洲會集呈諸館丈

石渠仙署接朝陽綺席秋開白玉堂九日風烟吳禁苑
兩都賓主漢詞章城依雙闕盤龍虎池繞高臺集鳳凰
館閣先朝多故事羣公勲業踵三楊

南都諸公邀宴高座寺對雨

天畔虛堂倚碧岑坐來烟雨動蕭森白雲暮結蓮花座
陰堅寒生桂樹林三楚江山遊子興兩都詞賦主人心
南朝舊寺應無幾寂寞高臺自古今

祠部李修吾駕部倪雨田虞部黃澹菴邀登牛

首

山盤曲徑萬松寒轉盡仙梯一倚闌雙闕餘霞江上落
千峰疎雨座中看風飄上界鐘聲遠日冷前朝木葉丹
幸從仙郎分勝賞欲攜秋色入長安

方仲菴陶蘭亭二比部邀遊棲霞寺

禪宮遙對石城開上客邀歡載酒來霞散千巖成佛土
天開雙峽鎖香臺齊梁文物餘殘刹吳楚雲山映舉杯
正自登臨多感慨秋聲蕭瑟若為裁

太虛亭望金陵亭在攝山絕頂

孤亭高倚暮雲秋平楚蒼蒼望石頭紫氣微分雙闕影
白雲中斷大江流蕭森落木來悲氣迢遞青山入壯遊
王業千年根本在燕吳兩地對皇州

遊甘露寺絕頂望金焦二山作示鄖汝翼陳從

訓

北固峰頭醉倚闌兩山秋作畫圖看海門對湧青霞闕
江面雙浮碧玉盤風靜帆幘行樹杪天空樓閣出毫端

不堪作客逢搖落二妙悲歌和更難

金山

江面孤峰秀絕羣芙蓉千尺鎖氤氳諸天臺殿空中湧
四壁烟霞鏡裏分鼈窟長懸朝暮雨龍宮時散往來雲
登臨况值秋風起萬里濤聲不可聞

焦山贈郭次父

千盤鳥道上珠林蕭瑟秋悲未可禁江北江南烟樹色
峰前峰後海潮音孤標自擢芙蓉影片石長飛鶩鷺陰

不向烟霞逢地主古今隱迹迥難尋

廣陵張郡丞宴大觀樓

城上高憑百尺樓使君開宴俯江洲坐臨南北孤峰影
目盡乾坤萬里流雨色猶分京口樹濤聲欲賦廣陵秋
何來一曲桓伊笛寥落長天動客愁

石介峰問卿邀飲豐樂亭

湖上青山俯郡城孤亭無改昔賢名杯銜落照千林影
檻倚長天一鴈聲寒雨自憐征路遠重闕誰識戰場平

恭瞻聖祖飛龍地紫氣盤回接舊京

閏九月朔日姜民部養冲邀登黃樓夜飲

風露嚴城欲暮秋重闌燈火上黃樓山邀夜色當杯入
雲擁河聲抱檻流片石長留蘇子賦荒原不散楚人愁
論文况是登高日藉甚逢君自勝遊

過夏鎮新河有懷先師朱大司空

廿載談經憶舊遊司空勲業此乘舟人烟尚記河橋夜
漁火重經水國秋地近徐方多故壘渠分禹跡總安流

不堪閱代成今古花樹西州涕未收

乙酉九月從李元甫宮諭再登嶧山

舊隱名峰岱嶽前重扶秋雨上層顛陰厓尚駐千春草
險磴爭飛萬木烟河勢遙分雙白練山形近作九青蓮
狂來欲問巴渝客得似華陽樂洞天

觀張隱君雙梅圖

浣花溪畔即方塘別有羅浮兩樹霜國色並呈縣圃玉
寒英對點壽陽粧尊前月凝重重影笛裏風飄片片香

聞道上林春更早可知仙骨占羣芳

送鄒四山太史冊封岷藩便道省覲

名家儒術素風敦奉使天潢布主恩詔出螭頭周內史
國分鶡尾漢王孫秋聲七澤飛征蓋雨色三湘近里門
到日趨庭應有問雄談碣石向誰論

送季大承太史冊封韓藩

西涼烽堠接咸京詞客輜軒幾日程玉節分茅臨絕塞
朱門列戟滿孤城鳴笳細雨回中路飲馬寒流隴上聲

聞道空同仙館在好將真訣覓蓬瀛

送蕭漢冲太史冊封秦藩

銀潢百二舊河山璽綬新恩侍從頒日映丹泥分漢闕
天浮紫氣度秦闕逢秋露下仙人掌望嶽蓮開玉女鬟
自是鳳凰池上客錯疑蕭史駐雲間

送李棠軒年兄上南少司空二首

不堪握手悵離居柳色都門漸欲疎佩借司空蒼水玉
篋藏學士紫泥書宮磚日影虛鈴閣驛路秋聲過錦閣

負弩三巴應更有幾人詞賦似相如

前年同賦秣陵秋隔歲憐君訪舊遊風雨獨過朱雀桁
烟波還記白蘋洲兩都文物歸仙吏八座聲華滿帝州
莫戀江南好風景直廬空鎖鳳池頭

張洪陽學士在告問疾

碧草重門似瀼東十旬休澣度春風歸心桂樹生江浦
渴病金莖出漢宮斗際龍光元是劍杯間蛇影自爲弓
知君早鍊神仙骨且向堯時作侍中

送唐曙臺客部告還南海用王宗伯韻

清時何意厭朝參郎舍頻抽碧玉簪萬里親閭炎海上
十年歸夢大江南雲霞近傍仙城五松菊重開客徑三
閉戶書成應更早好令白馬紺玄談

金山望湖亭

孤亭斜倚碧山隈檻外明湖對舉杯萬頃玻瓈天上出
千巖紫翠鏡中開雲連閣道籠春樹雨過行宮鎖繡苔
盡說昆明雄漢苑無如此地接蓬萊

西山上華嚴寺

空盤一徑躡珠林絕頂憑軒氣鬱森磴道松杉晴作雨
洞門蘿薜晝成陰秋橫城闕青山迥地繞園陵白露深
回首千門車馬路翠華前日此登臨

答楊戶部廬山書時方謫居廣陵

淮南桂樹又春殘幾度開書慘不歡華髮已曾淹盡省
銅章那復滯鹽官秋空雁影愁應劇夜雨潮聲夢亦寒
聖主長楊方校獵誰將賦草入長安

送徐端銘太史冊封衡藩便道迎養

十二提封屏翰雄又頒丹詔下梧宮漢京首列諸王表
吳客初陳大國風三觀春陰滄海上九河晴色盡舟中
還朝更遂籃輿養却笑安仁賦未工

送唐抑所太史冊封鄭藩

三策天人漢大儒親銜尺一下周盧紅亭斜日乘槎外
紫殿春深視草餘斗畔星潢開使節河陽花柳過仙輿
賢王若問蘭臺史已列先朝諷諫書

鄭國主嘉靖中上疏建言故云

送周寅所太史冊封周藩并寄沈蛟門學士

夷門堤下大河流詔使軒車駐綵旛染苑詞人空作賦
漢家王子盡封侯江頭片雨春帆渡海上明霞晝錦遊
爲憶文園病司馬金莖別夢已三秋

送彭肯亭太史冊封瀋藩便道過里壽太公九

十

潞子城頭紫氣懸詞臣持節下從天繩函借日開銀牋
綺閣飛花映醴筵踈雨寒聲汾水上白雲秋色太行前

江鄉更待趨庭慶共羨彭鑾閱大年

送李榕厓諫議冊封荆藩便道省覲

方懷諫草侍螭頭復捧桐圭問鷁舟五色春雲天上節
一帆明月水邊樓豐城劍合雙龍氣銀漢槎懸萬里秋
歸向高堂行慶酒承歡最羨錦衣遊

送馮琢吾殿講典試湖廣

南國詞場詔使開北門學士掞天才三江橘柚充包匱
七澤枌櫚屬翦裁齊客舊稱吞夢渚楚宮猶擬賦蘭臺

到來蕭瑟逢秋氣青草湖邊幾日廻

送朱可大兵部典試廣東

世家經術舊知名奉制掄才萬里征雨後人辭雙鳳闕
秋來節駐五年城西江劍合星初動南海珠收月並明
更羨越王臺畔路驪歌渾作漢儒生

九月十三夜扈從功德寺陪李漸菴大司寇王

忠銘徐檢菴二學士登金山對月二首

長楊別苑碧山頭扈蹕登臨暮靄收正惜巖花過九日

却憐湖月似中秋樓臺近映滄波出燈火深迴翠輦遊
連夕尚方傳賜酒飛觴何幸藉林丘

屬車颯還倚湖濱湖畔青山夜色新爲侍宸遊分象緯
因隨仙履上星辰勾陳影靜千峰月法界烟銷萬騎塵
莫道秋光寒不耐溫泉雲樹暖如春

送蘇中一叅軍內艱南旋

不因惜別重銷覓無限悲心下薊門正對白雲思故國
却從芳草怨王孫亭邊立馬斜陽影隴上啼鶲曉月痕

我亦天涯欲歸客相逢應在武陵源

七夕詠牛女

銀漢橫秋玉露涼雙星猶自似參商經年脉脉情難授
此夜盈盈路轉長月迥應無鸞入鏡河深寧有鵲爲梁
佳期漫向君平卜天上人間共渺茫

歲暮書懷寄賈石葵年丈

山中歲晏意何如莫訝長安闕報書冤夢幾悲池畔草
封題少遇海邊魚百年病骨風霜後千里鄉心涕淚餘

望斷石門秋夜月故人獨掩白雲廬

送太宰夢山楊公致仕

長安冠蓋滿郊畿元宰朱輪出禁扉從此聖心勞夢想
只今祖道有光輝宮前柳色分紅旆嶺畔桃花待錦衣
欲問東山舊樵牧麒麟閣上幾人歸

送李容齋符卿冊封魯衡二藩因偕健齋參軍

同行

親攜璽綬出雲間齊魯函封次第頌五月船經滄海郡

千峰人度穆陵關名藩累葉分茅貴上客連枝振佩還
舊是平津門下士送君猶自愴離顏

送朱養淳太史冊封周藩

蓬萊闕下五雲飛桐葉封函出帝畿漢苑花香隨使節
河橋柳色上征衣天臨玉署恩偏渥星近銀河夜更輝
試向汴京城裏望六街何處不朱扉

送全玄洲太史冊封趙藩

邯鄲道上夾垂楊六傳飛塵出建章趙國河山連右輔

鄴都詞賦在天潢
登筵夜對叢臺月染翰
春浮玉署香此日
流離知滿路
好陳謠俗報君王

送袁玉蟠太史冊封楚藩

赤管年來侍禁中
忽銜使節日華東
九河雨色過梁苑
七澤秋聲到楚宮
故里歌成飛白雪
大王賦就起雄風
還朝欲問陳詩事
莫采章華遙聖聰

送蕭玄圃太史冊封淮藩

天家同姓建諸王
歲歲繩函出尚方
三殿雲霞分聖綬

九河簫鼓動帆檣賓筵漫賦淮山桂使橐腳攜漢署香
欲問江鄉應未遠鄱湖南去是瀟湘

偕朱可大丞卿王興甫文學會于子冲藩伯於
城西道觀二首

長安城下路漫漫邂逅開尊集舊歡三輔征塵聊駐馬
百年交誼此彈冠從知浪跡同飄梗不道流光迅轉丸
回首垂髫渾似夢翛翛華髮笑中看

五月垂楊覆御溝使君千騎小淹留何知擊筑燕城會

故是談經稷下遊雲起高峰渾欲雨日長仙館只疑秋
平生意氣還諸少酒態相逢可自由

侯甥允吉入京相視送歸

馬上征衫草色青炎天視舅到燕庭默方客滯元戎幕
魯國名傳博士經離別十年腸欲斷悲歡千緒酒初醒
北堂定憶連枝影爲報今來兩鬢星

送侯大將軍姊丈出鎮貴陽

春草沅江萬里程十年旌節下神京韜鈴自握軒轅陣

鼓角重開驃騎營魯國諸生曾避席漢家飛將久知名
燈前把酒猶相問不信封侯事果成

平生結客少年場一劍登壇鎮夜郎馬上山川連六詔
匣中風雨渡三湘情知壯志圖龍願無奈離愁數雁行
別後相看萬餘里尺書幾日過衡陽

春日小齋閒居聞澄上人談義

焚香清晝裏茶烟小閣閒參一指禪浩劫塵機何處解
彼方妙諦幾宗傳有無盡息超塵境種地俱空啟勝緣

身現人天知是幻聞師半偈已冷然

送澄公還東海勞山

出世隨方閱歲華曾承內旨賜袈裟安禪舊對江干樹
卓錫初停海畔槎花應潮音常作雨日蒸龍氣稍成霞
吾家亦近蓬瀛島白社歸來路未賒

病中遣懷

三月孤齋斗帳寒十旬休沐主恩寬閒翻藥裹呼兒晒
細檢詩筒借客看千里鄉心芳草綠一年春色杏花殘

浮踪去住渾無賴行路人間信是難

贈張就山隱君

相逢杯酒說行藏問字曾師李奉常梁苑十年依幸舍
商歌一曲擅詞場鄉心長白山頭月客鬢桑乾馬上霜
昨夜讀君張翰詠西風已自斷歸腸

胡竺西山人遊塞上入都坐談邊事

九邊行盡到長安抵掌論兵髮指冠厭見羌夷秋入塞
愁聞漢將夜登壇黃金結客爐頭盡短鍊成歌馬上彈

欲笑當年吳市隱沉淪空作歲星看

九日胡竺西過小齋視疾酬和

殘菊牀頭剩欲簪長安秋色閉門深羈懷漫對重陽酒
俠客能爲洛下吟說劍寒霜飛大漠繙經法雨落祇林
維摩丈室勞相問已會忘言學陸沉

真空寺留別馮葛諸丈

蕭踈莞柳寺門前別色相看一黯然十月繁霜凋客鬢
重城殘雨上離筵心同張翰思吳日事異梁鴻去漢年

別後雲山未相間尺書猶有雁南旋

出都書懷寄同遊諸公

長安大道抗離旌廄吏將車出禁城恩禮虛同疏兩傅
行藏實愧魯諸生夢殘芳草山中路興盡浮雲世上名
惟有灞陵橋畔柳柔條跪地不勝情

過蘆溝橋

束髮承恩禁苑遊鄉心今夕渡蘆溝千峰過雨官橋暮
廿載飛塵客鬢秋驛路行分三輔界宮雲回見五城樓

車中却聽渾河水閲盡歸驛日夜流

過莫州故城

一客長安華髮生十年重過莫州城堤搖野浦長天靜
樹夾殘霞片日明澤國蕭條來往路秋風慘慄古今情
不知擊筑燕臺客有底悲歌氣未平

封御史邢翁八十雙壽二首

濟北賢豪行誼敦年躋上老德彌尊真封已自稱烏署
高隱還應並鹿門明月千山芳杜若春江九畹芷蘭蓀

仙齡幸際昇平理拾穗謳吟亦主恩

雙闡同拜玉函封壽袞今開第九重青鳥日隨王母侍
白雲常滿丈人峰已看庭際翔三鳳更向壚邊跨兩龍
欲問齊眉吳市隱千秋誰許繼高蹤

賀平陰劉元陽新授四氏學掌教

聞君待詔出長安儒服新裁委貌冠魯國諸生皆聖裔
漢家博士是朝官橋門暮雨陰槐市講席春風自杏壇
回首鄉閭殊未遠北堂魚筭致非難

答周啟明大叅書

握手別長安。幾歲星人間。離合總飄萍。儒臣使節移梁苑。
病客歸驛出漢庭。卧久山中芳草綠。書來河上片雲青。
聞今正有宣房役。報國無然賦采苓。

過汶上贈路鳳岡太守

蕭疎雙鬢感華年。把臂相看一惘然。別緒三秋燕市酒。
生涯百畝汶陽田。高城雨色青驪外。閒苑花香白墮邊。
爲道池塘春夢苦。傷心蜀魄化啼鵑。

時聞長公侍
御蜀中哀音

酬寄茅鹿門先生

人宗江左見風流詞賦名高鶴髮秋倚馬應閒青玉杖
藏書欲滿白華樓籬邊松菊陶潛酒湖上烟波范蠡舟
尺素來時看明月不知裏許夜珠投

山中報陳玉壘少宰

湖上清秋片月寒為誰殘夢入長安一千里外素書到
二十年來良會闌欲候三台依帝座先聞六典建天官
他時世業光青史重向扶陽傳裏看

哭賈德修司馬二首

幾日哀音發嶧州傷心千緒淚雙流那知渭水燕飛地
正是遼城鶴化秋幕府勲名留趙魏詞垣文賦擬枚鄒
可憐一片長安月猶照當時舊酒樓

滿眼悠悠世上名誰將金石喻交情蔣家舊日開三徑
魯國當年並兩生只道浮雲輕聚散不知華月易虧盈
從今寂寞梅花信腸斷山陽笛裏聲

暮過楊劉有感

多年不到楊劉戍此夕馮軒過里門前代津梁無聚落
舊家蘿葛有兒孫烟橫遠隴迷山氣日落平沙見雪痕
水木遺踪多所念惟將悲淚灑空原

贈金陵張文學太初

曾將玉樹擬風姿倒屣驚看絕妙詞雨後青燈揮麈夜
江頭明月掛帆時孫弘首奉西京對韋孟家傳魯國詩
此日淮南叢桂滿不知誰折最高枝

過殷少保先生金輿山房有感

相國名園負郭開朱闌寂寞鎖蒼苔泉聲故自花間出
山色依然座上來多士尚疑懸帳日蒼生空想濟川才
誰憐廿載平津客淚灑東風首重回

卜築黃山別業

歸來四壁故依然卜築桃源別有天種樹新移彭澤柳
買山舊賜水衡錢園林但欲成環堵門巷應教似輞川
廿載行藏君自見乾坤五畝白雲邊

大名王仲木從梅侍御西征奏凱北旋賦此壯

之

十年裘馬客長安杖策從軍戍賀蘭桓典霜威開幕府
陳琳檄草據征鞍銳歌出塞邊沙白烽火登城漢幟丹
誰道護羌諸校在功成今日屬儒冠

贈獲嘉岳茂才內日華仙掌一聯乃是夜夢中
句也

雙鳬別路久淒其令子相過慰所思倚馬梁園新著賦
趨庭魯國舊聞詩日華近傍仙人掌春色高分玉樹枝

儒術承家須俊少卿雲早見繞彤墀

朱光祿可大倚舟河上攜公子過訪對酒話別
蘭橈幾日倚江闊命駕相遇水竹間星聚陳苟聊對酒
春深黃綺暫還山分攜易下中年淚落魄難銷烈士顏
愁殺城南新柳色依依青眼若為攀

宿雲翠山洞送可大南還

十年重作碧山遊萬事相看兩鬢秋夜鶴有情驚別夢
巖花無語殢春愁天開洞壑雙樽酒人去滄浪一葉舟

峰後峰前往來路少時還擬待鳴騶

酬馮學士用韞寄問

宿酒初醒午夢餘春皋小雨試揮鋤忽逢隴上梅花使
為送雲中錦字書別後瑤華常滿袖歸來白髮漸盈梳
聞君亦有東山興海畔秋風掃石闇

鄭生承武自閩來訪

蓬蒿三徑少將迎客有相過萬里程觀樂遊同吳季子
談經業繼鄭康成悲歡往事青燈話要眇新辭白雪聲

他日上林傳賦草應知首問長卿名

夏日東園諸友同鄭承武小會

山園五月海榴開小會欣逢上客來竹裏詩題青玉管
花間酒汎紫霞杯庭皋遠樹留殘雨城堞輕陰閣晚雷
欲似當年河朔飲翩翩詞賦盛論才

謝繹梅中丞過邑賜訪不遇題詩驛壁而去賦
此寄謝

雨後蓬蒿滿徑荒不知千騎過東方憑熊謾駐旌旄色

題鳳還餘藻翰香敢向雲霄踈故舊已從樵牧混行藏
慚君為憶青蒲對回首長安事渺茫

題孫湛明侍御征西卷

朔方昨歲起邊聲繡斧親徵六郡兵漠北烟塵歸指顧
征西車馬藉威名胡笳夜靜昆邪塞漢月春輝敕勒營
猶有遼陽烽火在還將前箸贊昇平

山居懷寄可大

隱几空齋意晏如美人別後底無書未應湖海還浮棹

却想藤蘿已卜居避地自堪遊五嶽逃名誰許問三閭
惟餘遠道長相憶為勸加餐寄鯉魚

寄問馮學士扶侍旋里兼候北上

儒臣啟沃沫恩偏予假寧親輶禁筵春酒自承盤上露
宮衣不散紫頭烟疏家謾擬辭榮日石氏今當卜相年
歸闕何妨尋舊約長安路出岱宗前

酬寄馮學士見問

孤城欲雪雁無聲海畔書來幾日程閩郡闢河勞遠夢

多年京洛見交情青山久絕人間累白眼閒看世上名
珍重心知酬聖主應令樵牧覩清平

送鄭承武文學還閩

歸客翩翩玉劍裝河橋斗酒對飛揚帆前雨色來吳會
馬上秋聲渡汶陽萬里攀留徐孺榻百年寥落陸公莊
從今夢入三山月夜夜驪珠採海旁

正月四日香山寺閣同侯大將軍送孫湛明侍

御北上二首

寶閣高臨不住天霏微春色畫闌前孤城欲墮寒峰雨
野水猶凝遠戍烟上界香花開勝境故園風物入新年
屠蘇剩作東林飲又送離歌到酒邊

尊前山色碧氤氳徙倚高臺對落曛關下春歸周柱史
亭邊夜醉漢將軍丹霄法從多鷁侶白社風流有鹿羣
此別澄清應在念螭頭封事可相聞

春日閒居即事

閒居愁思轉依依邑里春深正阻饑深巷炊烟渾欲少

平田蔓草亦應稀中原寇盜還消長海外兵戈有是非
好在黃扉諸相國從容調燮佐宵衣

黃石山堂即事

坐倚青山望翠微堂高不礙掩荆扉千巖落照遙含雨
萬壑秋雲近上衣世路風塵歸後少故人書疏別來稀
十年學道雄心損惟有烟霞未息機

石樓獨坐效長慶體

燕坐危樓日影遲田家幽事亦多岐因防過水移門徑

金匱子
為礙着山剪樹枝地簡將迎全罷酒人無酬倡少裁詩
年荒正恐烽烟起悵念園葵繫所思

夏日嶽麓山房即事

夜合花開一院香烏皮几畔小胡牀蘿烟撲牖晴猶濕
竹色含秋午亦涼避客總荒蔣詡徑為園半學陸渾莊
只今負郭全堪隱况復青山對草堂

四月五日周師攜尊過嶽麓山房同少泉侯丈

小集

三徑常邀載酒歡
小亭散髮對憑闌
春殘未覺花香盡
日午纔分竹色寒
仙令雙鳧初解綬
將軍萬馬舊登壇
浮名已入高陽會
莫憶人間道路難

時周初歸田侯亦罷將故云

四月十一日侯將軍兄弟邀從亭山先生遊洪範東流二池宿南天觀登雲翠山絕頂奉和四首

百尺高臺古樹林
池邊不雨晝蕭森
遊逢載酒春先暮
興到看山客自深
片石千秋留鳥篆
寒潭百尺想龍吟

何時得遂移家計長日垂竿藉綠陰

右洪範池

馬上壺觴處處從花源又入白雲封石渠飛沫濺春酒
茅屋臨流響夕春雨色微侵青薜荔山光倒映紫芙蓉
南天咫尺今須到萬壑丹霞宿幾峰

右東流泉

野色嵐光面面新上清樓閣俯嶙峋杯間月出瑤臺夜
杖底雲飛玉洞春地盡羣峰開象緯天容雙展出風塵

從今便結羊何侶長與名山作主人

右南天觀玉皇閣

中天積翠削巒屹掃石銜杯醉不冠樵路半垂青嶂底
歌聲全出碧雲端飛來別作仙人掌望去平臨玉女壇
笑問風流彭澤宰白頭曾得幾回看

右天柱峰

夏日侯將軍兄邀陪光祿朱丈遊虎窟山南洞

遇雨奉和

孤岫嵒堯隔虎溪還陪雙屐共攀躋尊前雨落珠林暝
洞口雲生寶界迷絕壁泉聲雙樹杪夕陽帆影數峰西
山城舊隱無多地處處都邀綵筆題

朱可大飲餞言別

秋歌一曲入清商斗酒踟蹰夜未央子舍應看雲北向
征車却逐雁南翔行藏自信心如水離合相看鬢有霜
聞道尚方弧劍在徵書早晚下明光

秋日送可大南旋

萬里過從樂未休花時胡不少淹留東籬曉色方含雨
上苑天香欲報秋嶽畔攜將三秀草湖邊歸去一扁舟
豫愁明夜思君處別酒初醒月滿樓

山中懷寄王對南相君

屈指朋遊歲晚踈雲中相國比何如百年禁苑論交誼
千里關河嘆索居月落楓林常有夢鴻歸榆塞久無書
天涯若問同心侶素髮于今已映梳

甲午除夕

孤懷此夜倍悽然，明日應過半百年。
瞽眼聲華杯酒外，驚心節序曉鐘邊。
圍爐對婦更殘燭，帖勝呼兒覓綵牋。
最是春遊闌意念早，時留取杖頭錢。



穀城山館集卷十三

欽定四庫全書

集部

穀城山館集卷十五

詳校官中書臣沈鳳輝

侍讀臣孫球覆勘

總校官中書臣朱鈴

校對官中書臣吳裕德

謄錄監生臣孟照

欽定四庫全書

穀城山館集卷十四

明于慎行撰

七言律詩

乙未元日試筆

東風一夜滿春城
海畔曈曨旭日生
市里衣冠朋舊誼
田家簫鼓歲時情
花開綵勝嬌相媚
酒到屠蘇黯自驚
遙祝楓宸天未遠
履聲猶似近承明

人日對酒感懷

五十纔過又一春為逢人日轉愁人寒暄自閣杯中世
形影相依夢裏身舊事莫談溫室樹初衣不染洛京塵
東風底是多情甚吹送霜華入鏡新

十三夜周師邀飲同侯將軍賦

綺席清尊送晚霞節臨元夜豔春華河橋欲滿城頭月
火樹初開雪後花萬里風塵今對酒百年時序此聞笳
相看可奈疎狂甚爛醉行歌漏轉賒

十六夜陪周師侯兄步月過橋即事

孤城殘雪漏聲寒
燈火稀疏社鼓歡
元夕已過人未醉
小橋重度夜將闌
月華似向瑤臺見
花雨真將玉樹看
回憶長安歌舞地
五侯騎馬正遊盤

夏日山居周文伯起部倚舟過訪

長夏齋居玉樹林
蓬門忽復聽車音
停橈別浦江雲遠
對酒明河夜色深
佩向仙曹分水玉
名從國士重南金
清時報主多同志
野老應餘擊壤吟

周文伯載賜中冷慧山泉水賦謝

過江曾酌南鄴水恨隔毘陵第二泉何意雙覽來遠道
併教五月失炎天香疑露下金莖夜色憶冰分玉井年
小試龍團俱妙品清風兩腋總泠然

輓李北山先生二首

海嶽靈分振岱英當年神降是長庚風塵一吏淹華髮
詞賦千秋起盛名紫氣闕前何日隱玉樓天上幾時成
愁聽化鶴歸來後嘹唳寒城夜月聲

符璽先朝侍未央
陸沉今古事堪傷
騎箕自應星精位
握麈還為地府郎
篋裏遺書存禪草
壺中大藥失仙方
心期欲解延陵劍
落日悲風起白楊

山中承陳寅所憲伯書問賦謝

都門三紀挹風流
想見今來雪滿頭
雲裏忽傳鴻雁札
山中近隔薜蘿秋
懷人仲舉應懸榻
傲世元龍自倚樓
聞道粉榆新結社
追隨無計覓扁舟

讀高年會詩錄寄壽陳寅所憲伯

華堂高會聚耆英黃髮如雲象赤城四座飛觴喧笑語
百年擊壤沐昇平人浮洛社詩中數事勝襄陽傳裏名
七十主翁猶未老已從仙籍領長生

秋日亭山周師招飲黃石山頂

岩峩片石枕雙流載酒登臨欲暮秋萬古長留高士傳
一編曾啟帝師籌川原回合浮佳氣烟樹微茫結遠愁
亦有受書年少客白頭今伴赤松遊

秋日偕亭山先生暨諸親友飲城南寺山石上

南溪不到已經年
溪上高丘坐渺然
日夕千峰懸片雨
城秋萬木起寒烟
人歸洛社真堪隱
地入桃源自是仙
眼底舊遊渾欲盡
當歌莫惜酒如泉

重建雙檜堂成追憶兩兄有感

背郭堂成傍嶽祠
盤桓雙檜憶連枝
池塘寂寞逢今日
華萼翩翩是往時
高棟重懸初署榜
頽垣猶見舊題詩
小山漫自稱真隱
隻影誰憐兩鬢絲

閒居效長慶體

乾坤屈指閱行藏不是狂夫老亦狂寵辱百年身似夢
浮湛五畝醉為鄉鷺鵬各自便高下鳬鶴誰能制短長
回首肯遊愁憶汝緇塵偏染鬢成霜

春日承蘇岱叟長史寄問賦此奉酬并謝藥餌
之惠

邯鄲古道魯門西錦字誰將尺素題遇主虞卿初相趙
談天騶衍舊遊齊賦成明月堪疑璧藥就黃金試作泥
此日思君何處切平皋春草正萋萋

初夏陳東甫張仲參東園小集

竹間三逕午涼新
四月烟光似上春
倚檻青山全入座
隔林黃鳥故窺人
花香零落隨歌管
酒態蹁躚傍舞茵
但使求羊能共醉
知他何地有風塵

夏日侯將軍過訪黃石山莊

穀城山畔舊田家
坐客開尊對晚霞
種秫新醅陶令酒
為園近接邵侯瓜
同時朋好人誰在
早歲行藏鬢已華
聞道邊塵今稍靖
儘堪農圃寄生涯

夏日訪侯兄東山別業因閱兩甥行卷

悵別東山歲頗深
將軍樓閣鬱蕭森
松濤晝送孤亭雨
薜幌晴交滿院陰
萬里風烟今日酒
百年兄弟白頭心
吾甥更自多文藻
最美君家桂樹林

樓成

山居雙屐不曾休
更為看山旋築樓
倚檻時飛丹嶂雨
隔城常對白雲秋
逃名自可成巢隱
縱目還堪作卧遊
數卷殘書一杯酒
此中合作小菟裘

里翁張慮齋八袞二首

寰中信有地行僊八十冰肌類小年華萼曾聯文苑盛
衣冠雅稱素封賢蘭臯夜雨看耕耒綺閣春燈醉舞筵
共慶清時多舊老三朝遺俗口能傳

常將沆瀣當朝餐豐饒風神世所難走馬自輕飛鞚遠
看花猶劇蹴歌歡青葱日長堂前樹郁烈春芳澤畔蘭
欲向仙臺占壽紀不知渤海幾時乾

濮陽李鴻臚為大父北山先生求銘

名家閥閱未湮淪繩武君今列從臣司馬正當求草日
杜陵猶有乞銘人操觚雅解親文史委佩應堪侍禁宸
海內相逢多世舊休將薄俗浪悲辛

元戎少泉侯兄六十誕辰二首

畫錦高堂列綺茵鳴珂深巷聚雕輪旬周花甲人稱壽
瑞紀桑弧日在辰勝節漫同河朔飲幽居不受玉闕塵
憑君試訪延齡藥歲歲瑤觴祝大椿

豐鑠丹顏鬢未霜牀頭龍劍吐星芒廉公善飯神方王

鄂國徵歌意正長
門樹常嘶金絡馬
庭苔漸澁綠沉槍
君王拊髀應誰問
老將勲名在夜郎

賀王郎季輔新補博士弟子

諸生魯國受經初
標格王郎玉不如
倚馬舊傳文考賦
籠鵝雅學右軍書
家聲此日標瓊樹
世業當年論石渠
手澤應須開萬卷
早懷三策詣公車

寄吳少溪宮錄七十

名家俠節世稱賢
七十餐霞偶列仙
結客長安曾置驛

買山陽羨久成田書來濟北春鴻遠夢落吳門曉月懸
為問庭前雙玉樹青葱欲賦上林篇

奉寄趙王殿下

長陵佳氣五雲浮大國分茅古冀州兩界河山連魯衛
一時文物盛應劉銅臺月上華池夜玉殿風生桂樹秋
每羨康王舊賓客至今詞賦壓人流

寄送林太華民部報命北上

傾蓋長安意頗親山城重枉駐征輪兩河使節歸仙吏

一代家聲屬世臣路入五雲關樹曉賦成雙管禁林春
郎曹縱自多文雅誰許青箱事可陳

山居自述呈王對南相君

闕下班行舊日分海邊名姓少人聞一竿自釣南溪月
五特親耕上阪雲竹徑堂無猿報客松關惟有鶴為羣
只緣不忘平生誼塞雁來時屢夢君

送黃與參水部報使還朝

木落霜臯菊始華離情咫尺渺天涯三秋佩擁河隄節

八月星浮漢水槎思客山中踈薜荔纖書白露滿蒹葭
論交何地還傾蓋悵望驪駒對晚霞

黃水部便道省覲附候葵陽學士

從橐名郎滿屬車世家吳越邈誰如傳經夙受金華草
問水初藏玉簡書遠道西風回使節片帆秋色過鄉間
趨庭為叩東山履早晚徵函下石渠

馮宗伯請急東旋寄候

六傳西風簇繡鞍都門又作畫圖看應緣斗畔星辰逼

不為人間道路難漢闕恩光深予告齊城佳氣滿承歡
思君此際還千里愁聽秋聲木葉丹

馮宗伯居廬書至答慰

空山華月渺愁予此夕風前得報書千里人歸滄海路
百年淚盡白雲廬方從宿草悲陳迹况對寒梅憶索居
聞道蓼莪詩總廢春園那不賦潘輿

丙申除夕獨坐

婆娑雙鬢坐寒宵鼓籥驚心倍泬寥駒隙百年逢節序

鶴居五畝寄漁樵雲屏舊自楓宸賜臘醞先將柘葉調
常記南宮封印出猶題尺疏勸春朝

丁酉元日試筆

隔歲逢春雪未乾春風元日入椒盤即看淑影蒸雲氣
已覺晴光到蕙蘭天外音書渾欲斷眼中兒女劇為歡
門前好問朝正使溟海邊烽可報安

人日親友夜集

人日陰雲起岸沙不知春色落誰家寒更怯對歌邊酒

短髮羞簪勝裏花
擲罷明瓊呼得雉
燒殘銀燭聽啼鴉
相看一笑渾難事
莫惜追歡負歲華

元夕觀燈呈張君侯

孤城此夜豔年芳
巷陌絃歌玉漏長
殘雪離明月影疎
燈隱閃畫橋光笛中折柳聲新
聽馬上傳柑事未忘
為報河陽仙令道春風花樹已飛香

正月十五日李黃羽司理行部過訪

中州文苑舊名家
結駟相遇巷路賒
雪後初傾元夜酒

燈前已發上林花六條問俗推星使兩世論交感歲華
為訊高堂容鬢好春山誰伴采明霞

山中懷寄李比部滄浪

西京仙吏久分攜遠道傳書報每遲恨別無因重對酒
追歡只記舊題詩春留海上金光草慶衍堂前玉樹枝
何地思君倍惆悵山城落月夢醒時

懷寄玄同宗侯

春風吹夢綠雲端此際思君蕙草寒北海才名應振世

鄴都詞賦早登壇每從斗畔占精氣轉向樊中惜羽翰
天祿藏書如可校青藜夜色許誰看

懷寄貞白宗侯

奎宿長臨岱嶽懸天家今日盛才賢圖書七略分中壘
文史三冬屬少年魯國諸生多避席梁園詞客半隨肩
不須別授平臺簡自有靈光賦可傳

暮春邢侍御子愿命駕過訪夜談喜賦

十五年來繫夢思軒車何意到茅茨探春正及花開候

對酒還當月上時色動青天看倚劍寒生白雪坐論詩
芳樽十日君休厭眼底交情更有誰

子愿東園小集和韻

草玄亭閣負山城上日開尊命友生花事欲闌初駐馬
柳陰纔合已聞鶯林中幾醉平原酒雲裏疑飄洛苑笙
廿載相看渾似夢白頭縕縕不勝情

子愿告還敘別

窮遊殊未罄交歡纔道分攜意轉難湖海何人能命駕

乾坤今日少彈冠世情總付雙尊酒生事惟餘一釣竿
却羨紅顏渾未改憂時還復勸加餐

山中逢吳闔薛文學是韓宗伯丈門人附書問

訊

坐中有客自南州為問傳經憶昔遊別日墳篋三殿草
歸來雲樹五湖舟春山見月頻疑夢遠道緘書倍結愁
欲識瀛洲圖畫裏同時強半雪盈頭

韓丈繪登瀛圖列
館中同年畫像

春暮與陳東甫飲白莊柳樹下懷傅伯俊侍御

時有驛使投書語中及之

門前五柳映樓居倚杖看山迥自如夕雨霏微芳草路
人家歷亂白雲墟田間斗酒為君醉隴上梅花何處書
却憶薄遊周柱史江南春色滿回車

殷洗心中翰奉使取道過訪

林花落盡殢鶯歌谷口勞君結駟過使節三春來內苑
征輶五月渡黃河含香池上家聲遠揮塵尊前俠氣多
聞道螭頭封事在扶桑何日息鯨波

山中懷寄御史大夫漸菴李公

雙闕觚稜漢苑秋當時曾御李膺遊乾坤別後多戎馬
湖海年來有釣舟華嶽雲峰天外聳函闕紫氣日邊浮
同朝晚進公應記一卧滄江亦白頭

承趙國主賜問并賚刻書二種敬因蘇長史奉

謝

綠雲縹渺隔清漳玉札封題到草堂閣上青藜開壁府
枕中鴻寶示仙方東平樂善偏承寵北海工書久播芳

更羨名家蘇季子白頭簪筆侍君王

九月七日南昌太守王君華岡過訪東郭小園

有詩見遺酬贈

負郭停驟路未賒孤亭塵尾發烟霞題詩坐聽千林雨
對酒先看九日花寥落山中逢勝侶風流江表見名家
知君佩有豐城劍斗畔何人識物華

送朱可久文學南歸

前年此日雙鴻影今見孤鴻思不禁燕市黃金難得意

楚天白雪重知音秋聲蕭瑟來杯酒舊事淒涼結寸心
華闕才名歸二阮君家桂樹總成林

送朱長倩文學南歸

山城木落菊花前杯酒逢君意黯然和氏且須懷白璧
千將終自倚青天孤帆別路三千里兩世交情四十年
此後雲霄長在望早看橐筆賦甘泉

九月十三日大雪唐君平文學入對過訪有詩

見投賦贈

清秋多病罷登臺
卧閣因君一舉杯
玄雁自逢江上度
菊花何意雪中開
高歌郢里驚人調
健筆梁園作賦才
不是關山寒色早
上林瓊樹若為裁

寄王對南相君

午橋花竹為誰歡
毋謂成功在考槃
海上烟塵方絡繹
中原黎庶欲凋殘
輿情此日歸司馬
揆路何年起謝安
同學老生無世慮
亦題尺牘勸加餐

讀許雲村先生小傳有述

紫雲峰下石為閭尚想幽人舊隱居避俗青春違禁闥
移家白首寄樵漁名標吳國先賢傳手校西京太史書
此日綿囊餘諫草臺郎封事滿公車

南天觀追憶許鍊師悵然有作

曾向三山訪列真重來不道海成塵峰頭鶴化猶疑夢
洞口猿啼別是春玉觀淒涼花似雨松臺寂寞草為茵
仙家日月還如此人代茫茫可更論

攜陳山人東甫飲黃石山頂

黃山片石如斗大與爾捫蘿到上頭擊劍放歌雲霧裂
攀崖送酒猿猱愁咸陽帝子何事業地上老人無土丘
兵戈滿眼那得問元龍嘯傲真吾儔

送邑侯瀛海張君入覲二首

管子臺西汶水寒朝正駟馬向長安齊城吏績徵三異
渤海家聲起二難日近宮雲春自早烟消津柳雪初殘
遙知課最承恩處內殿黃金擁漢官

幾月鳴琴單父堂絃歌聲滿百花香詞華舊羨題鸚鵡

政化新傳下鳳凰天向九闕開左個人從千騎發東方
朝回好乞金莖露綠服春風一舉觴

阿城舟中送別張洪陽宮保南旋

一笑相看共白頭君今亦遂碧山遊憂時早辟留侯穀
躡海初浮越相舟千里人隨江浦月十年書隔薊門秋
燈前斗酒休辭醉別後關河雁亦愁

秋日邀張令君侯都護野集溪亭用韻奉和

小築漁磯構野亭心期久已托山靈何緣斗畔郎官宿

金匱子
卷十四
忽傍江頭處士星對酒峰霞侵晚樹垂竿溪雨散秋萍
烟波自識逃名理不向人間問醉醒

張令君汎舟南溪用韻奉和

一曲清流鏡遠空蘭橈初試藕花紅鷗鳬影亂千峰雨
蘆荻聲殘兩岸風嘯詠何人兼吏隱江湖此地屬漁翁
兒童亦識高陽醉拍手銅鞮唱轉工

馮宗伯書來知以隕珠之感遂輶西遊因寄詩

見問用韻慰謝二首

契闊多年想盍簪花前惆悵發郵籤海門又緩青絲鞚
嶽觀終虛白玉函為惜明珠曾照夜可知春草更宜男
時艱正復資匡輔共指星華在斗南

十年心事未曾違黃石春深長蕨薇漫憶封章傳畫省
虛慙經術侍彤闈山中姓字無榮辱天上風雲有是非
為謝故人多記念白頭已老薜蘿衣

崔仲素郡丞寄詩見壽用韻奉答二首

山城別後想鳴珂五見春風長綠蘿漢室新紬循吏傳

燕臺舊和酒人歌林中朋輩看全少海畔烟霞占已多
十二樓臺秋色裏不知幾處有行窩

不記雕弧此日懸敢勞三祝寄華箋浮沉大塊虛稱老
嘯浪深杯久避賢百畝桑麻山澗曲一丘花樹浦雲邊
人間何地還堪徃已借蓬玄小洞天

送傅伯俊侍御詣闕

結廬同卧岱宗雲無那離歌此日聞江路靡蕪人欲盡
春林猿鳥自相羣休嗟華髮長為客剩有青山可待君

主聖時危須努力且看麟閣勒功勳

題烟波釣叟圖

門外汀莎映倚欄百年生事五湖寬
烟蓑夜掛芙蓉雨
荻月寒浮翡翠竿半醉漁歌花裏聽
清秋鶴髮鏡中看
天家近日多征稅祇有滄浪卧尚安

七月望夜與劉晉川司空約會南旺湖舟中賦

贈二首

湖上蒹葭白露秋司空小隊若為留十年不對陳徐榻

百里同登李郭舟。卷幔踈燈搖浦樹。停杯涼月墮津樓。
那堪細數生平事。無限悲歡是舊遊。

華髮相逢意轉殷。當年藜閣共論文。元卿地應夔龍會。
野老名逃鹿豕羣。此夜占星知近斗。明朝望嶽欲生雲。
惟餘別思如圓月。不逐河流兩派分。司空別去登岱
舟在分水廟前

同馮用韞少宰登岱因送北上

三年書札鎮相聞。倚杖高丘此送君。慘慄秋聲天未起。
微茫海色霧中分。情闊離合詩難就。興到登臨酒易醺。

頗訝連朝多雨氣已知攜出上峰雲

九日登三陽觀與馮用韞學士公孝與文學言

別

神霄峰下有仙壇送遠還同斗際看地近三天秋氣凜
節逢九日酒杯寬紅塵閼代多新事白首論交少舊歡
此別良遊恐難再惟將萸菊勸加餐

送魯雲松博士遷鄆城掌教

漢家博士雅傳經忽訝銜魚落講庭五月梁園塵似雨

十年魯壁鬢如星鄉心芳草從前綠客味寒氊依舊青
此日諸生同祖道驪駒歌斷不堪聽

穀城山館集卷十四